

PRIMICIAS E prome hende cu a bula un planeador




Un planeador ta un aparato cu ta parece un flie masha grandi y cu por carga un hende. E prome hende cu a bula uno tabata un mucha homber inglés di 10 año y tabata na año 1853. E planeador a wordo construí door di Sir George Cayley. Despues di a experimentá cu modelonan mas chikito riba su tereno na Yorkshire, el a construi uno suficientemente grandi pa carga un mucha, kende tabata probablemente jiu di un sirviente di dje.

Un grupo di homber tabata pusha e aparato bahando for di un sero chikito te ora cu esaki a coi velocidad y a cuminsa lanta y hasta bula algun meter.

E segundo piloto di e planeador tabata John Appleby, kende tambe tabata den servicio di Sir George.

Atrobe nan a dun'é velocidad pushando e for di e sero. Ora cu appleby a baha bek na tera, el a bisa: "Sir George mi ta renuncia na mi trabao, mi a wordo contratá pa stuur, no pa bula."

Cayley tabata e prome cu a describi e principionan matematico di e vuelo di un aparato mas pisá cu aire. Tambe esun di prome cu a sugeri uso di un motor pa duna mas potencia. Y ya cu e tempo ey no tabata existi motor cu ta usa gasolin, kerosine, etc. el a construi uno cu ta usa puero.



Riba e fotonan por mira Sir George Cayley, su sketch-nan di diferente modelo di planeador, y uno a ser construi pa bula.

E Maravillanan di nos Naturalesa... E Juwana

Unda cu bo drei bo tabata mira nan. Awendia no mucho mas, pero si bo topa cu uno, sigur ta algo di admira, sea pasobra e tin su color berde bunita, of e lo a smaak dushi (pero esey ta prohibi pa ley awor, asina ta cuidao!), pero e Juwana poco-poco cu añanan el a bira menos riba nos isla, kisas el a dicidi di sali for di 'stad' y bai biba mas pafo unda tin mondi ainda.


Cu trahamento di cas, etc. ta hopi mondi ta bai, y e bestianan aki ta perde nan lugar di biba. Ta bon mes nos tin nos Parke Nacional Arikok. Eynan tur bestia por haya un cas, incluyendo e Juwana.

Juwananan ta hopi 'schuw' ora nan ta den mondi. Nan ta sconde den palonan halto y ta depende hopi riba nan cambio di color, e asina jamá 'schutkleur' pa proteccion. Unabes e enemigo a

somenta, e juwana ta laga su mes cai riba vloer y saca careda bai.

E juwana ta come principalmente frutanan den matanan cu nan ta subi, pero esey no kiermen cu e no lo por morde'bo! Bo tenta un juwana, conta cu e lo bin bo tras pa morde'bo, y bon duro.

Antes e juwana tabata wordo captura pa traha soppi cu'ne, pero awor e ta un bestia cu ta wordo proteha. Ban respeta leynan cu tin, p'esey nan t'ey, y juda laga e poblacion di juwana crece bek.



Invideo



Chabalito

Number 8 - Año VI - Afl. 2,=



Choq



emco

ARUBA'S
Mallin
Balashi



BIBLIOTECA NACIONAL ARUBA



3 0993 00185 667 3